





滕閣徵賦彙集

賦

張九如

蕪湖紳

今夫山川流峙陵谷高深天地之性然而年時綿  
邈崩溢封濬猶不無遷變之形况城闕都邑郊廟  
宮觀之繇人以廢興者乎顧有方興而廢旣廢而  
復興者雖地利乎亦人事使然也茲江西南昌城  
西有所謂滕王閣者自唐迄今殆千歲餘雖棟宇  
屢易而基業歸存以故覽勝者每憑之而吊古傷





豈者恒過焉而興悲今中丞蔡公以都御史來撫  
此土仁民愛士敬事情時役不繁典訓必軌物觀  
風省俗係念古今慨舊蹟之漸滅懼勝槩之遂湮  
因發命重構新之不俟後事不廢前人殆於山川  
陵谷競變常矣公廼暇日率文武僚屬賓客知交  
飲讌唱酬昭訓施惠遠近響義封內翕然賓客自  
遠至者公皆不鄙樂與論言是以民情國俗纖悉  
必周故衆樂爲會皆欲謳思其德十旬休暇不廢  
來宜九日登高欲追逞志蓋宴客非懷私之伯與  
題篇多受命之子安今公復以度支使相移督淮  
漕檄令宇下咸得屬詞九如不肖屏處窮鄉未窺  
鴻引聞風謳德莫罄揄揚顧少嘗涉險馬當江上  
莫借便風病怯登臨場茲邑中隨歌甘雨然學慙  
苟况猶有賦篇才謝陳思妄爲序錄賦曰  
蓋分野以土宜標美則辨方以制異流光酸棗以棘  
而邦氏其棠以人而舍昌物載名而珍與事據實而  
矜將何寥廓之宇宙中宇宙而郡豫章何綿邈之豫  
章首豫章而閣滕王非禋祀之典寔非端拱之堂皇



遂名垂於千載更蹟煥於孤壤首出閣名蓋訪予落

止周爰咨度胥斯原之順宜觀流泉之迴薄殷武王

肇域景員惟河周文公卜宅東西惟洛伊新府之洪

都實維城於江郭漫有懼夫西傾遑不知其東略既

孤虛旺相而有徵寧向背從違之未酌拓基卜宅學

周雅而循國紀據職方以問地圖彭蠡既豬而澤揚

州其浸為湖江流匯而派衍贛源別而字孚辰星紀

而剖越野維斗以同吳居上游之勝地信南夏之巨

都具列各勝傳有吳公子出居於艾於越霸王英遊於

磧爰有唐朝王子元嬰高祖之子太宗之弟荆則始

臨蘇則繼蒞親居衛之叔封任分陝之公爽擁名城

以作都授危疆而理劇值永徽之帝世用叔父為州

伯地在宗枝寄深磐石价人維藩寢廟孔碩詳建

人創階三重崇一筵起凌雲以齊嶽礪石渠以通泉衛

文公之室揆之以日周穆王之臺改而中天應取致

於修曲合託體於高堅爰謀建閣晉為盟主尙開闕

之崇高秦并諸侯猶宮室之寫倣參建設之陳蹟渾

流峙於塵埃撫堂構於儼存攝肇初於可想惚兮鴻



濛倏兮曠朗

因欲重修轉惟初造

晏子之宅近市則後陳平之

家負郭而愉俯平陸之可鑒仰列星之可盱携龍角

之虎尾撫鶉首之鳥拏挹東壁以南斗控實沈以降

婁念周原之膺膺堪夏屋之渠渠

雖僻城隅實符星體

昭子葺

館屋於所居釐侯樂泮水於戾止乃胥宇於聿來遂

式廓於維彼除隆阜以立基拓弘疆以定址匝用矩

而度方直因繩而布趾廻複道於城邊棲重樓於江

沚瞰秋雲於湘巒枕春水於漢渚

蒞政雖暫經始無嫌

天祿有

青藜之照元扈來丹鳳之書既顯爵以王錫復開國

而勝臚殆用賓觀國之利適俾侯啓宇之初顧名思

義卽事馳譽

閣之得名肇於命至

銅雀建而金虎氷井以此臨

春立而望仙結綺若扛旣歸然其時獨復翼如其掖

雙弼以挹秀輔以壓江雲亭亭而靄靄水浩浩而淙

淙碑碧落而齊永觀玉臺而難降

既夾二亭別有碑觀

賦山居

先美陵泉詠齋閣不遺花草城則外墉江則內抱釣

磯延袤而崎嶇籠山邈邈而深窈頓西闕於東垂奠

南崗而北眺帶章貢之雙流枕鑪几之孤峭莎城偃

月於廻瞻船浦相風於返照山效靈而多竒水含秀



而殊派草木敷榮沙石生態萃嶽巖峩噴薄澎湃  
鬱扶蘇滌洄瓌怪土和厚兮多柔畜蕃滋兮少憊

樹畜建益州廟碣隱括天文波冢竹書別祥人事二

五序從四七列麗壯武博物於望祥簡穆感精於占

異密迺城闕掩映澤梁關津絡繹臺榭飛揚薏罷師

次之壘澹臺友教之堂想廟貌於初郭晞堞影於復

隍仙尉有朝斗之嶺役夫有翻車之崗天文人事召

穆之作棠棣兄弟是求樂豫之說葛藟本根所託歆

奉樂於兜闔想彈箏於翠幕躡珠履之迎賓擁金釵

其賜樂是則國之賢藩民之明辟義訓幼聞詩書長

習擬置兔之求賢却載儉而遠矐暇日山川非嚴關

之夜闢春風峽蝶異散樂之是籍部多名士座有嘉

賓陳風詩於省俗列雅樂於行春吳姬粲燕姑嚶笙

簫迭進環珮兼陳託體既屬親賢遊西園而飛蓋侯

朱邸而曳裾戒矢魚之地遠陋射雉於臯如於是啓

朱戶清玉除褰綉幌敞綺疏軒通明而矚遠閣憑虛

而望舒崙三角而走馬亥六身以為虛勢風雨之池

急波日月之澗餘盼鸞崗而太息賦鶴嶺而長歎過



奔湍於洪井之岸飛倒流於吳源之墟近城既殊遠

各區集金谷而多交詠蘭亭而或已他人是保君子如

祉阜華節鉞之臣風流詞藻之士騁佇覽之遙情盡

憑帛之幽旨羗乘高而送遠越感時而序紀思龍光

以儀休殆燕笑而譽處繼興發於抽毫遂文成於累

紙欽在壁之書留陋夙構於文後嗟興會之難常慨

機緘以何駛顧盈虛之有數信循環於無始創者已謝至者

頻登詠流鹿遊廢苑鳳去空臺幾補天以煉石頻

連感漢終始刷地而餘灰慨星移而物換遂興盡以悲來覽興廢

之多態感新故而增哀則物之相物雖貴用乎弘多

世之閱世則不辭夫成毀雖煥乎其頻新復頽然其

屢圯歲累百世其凶遷軍幾勝敗其死徙棟宇之漸

滅殆盡方域之變換何指閣立千年殆陽九之運厄

或百六而數蠱鼎已新而非故步方改而寧跬嗟事

變之已極傷物役之多午睇山河於既殊睠風景之

猶愈幸達人之救寧膺顯命以來撫陶士行之都督

庾子山之開府統列郡之雄貔擁百城之繡虎幹千

鈞於筆陣傾萬斛於才藪寓整飭於撫寧遂修文而



偃武既旬宣之有方復營建之非詡世運丕革風景未殊蔡公儼臨

興復賢勞實古良牧閱損之言仍舊貫以為則蕭何之指使後

世以無加欲粉飾以治象非品藻於浮誇披遠階於

故渚剪榛莽於舊叢正餘材於墉址考遺蹟於階墜

審曲面勢自西徂東三間四表八宅九宮負震向兌

披甲延庚丙壬旁翼離坎大橫肘腋郊甸欵跨堦坪

圖飾治象非為觀美羅疎柱以容舒集百梁而承委斗山拱湊

於旁端礪芒承跋於平底頌有協於枚枚雅無煩於

此此軒架雌蛻之連卷牖垂倒茹之秀縈鏤萬瓦以

魚鱗錯千椽以犀齒有嚴有翼是櫛是比棧平鋪而

廣藉棚重度以高崇宛天漢之可絕何海屈之能工

下足以豎巨幟上可以馳驕驄反宇熒瞻於高轡卷

棚詳眎於下穿繪水草兮藻井之上結花磚兮鴛鴦

之中制頻增形再揆層梯盤轉重簷瞭視穿梧駢集

以邪支枅拱環句而曲抵檻委蛇而波瀾窻玲瓏而

星麗晞天矯撫歸峙陽馬分駛於邪池潛此布濩於

伏尾鑄堦雲以砭砭琢砌藻以礪砥極目鼎新爾乃

刻其楠丹其楹金粉流亞於屏陸髹湮渲染於楣薨



梁画雲而雯靄墻寫水而波傾繚繞炳爛汗漫瀾盈

門銅鋪而颯擊簷鐵馬而溜零貫環玳於簾薄葺孔

翠於藩屏色的爍而炫耀聲璀璨而玲玳制度既詳  
妝飾亦煥

羽觴流波沿於榛洛角黍競渡遍乎江淮賜民哺而

有樂從公讌而無乖睽三秋之序美慶九日之特佳

咸陳詩而言志更作賦之善哇府僚濟濟群職師師

都人士女道俗玄緇承公於命期公之知從公於邁

期公之施良時足風  
登高能賦信山河之帶礪撫隍塹於金湯

魏武侯浮焉而洵美羊成公登之而與長梯層閣以

望遠步廻廊以踰紆指衡峯以作鎮引抗浪以定區

却洪波於南溟仰高柱於北樞我峭出於天際儋耳

僻於海隅廻九派望三途乘高肆覽無視不瞿登閣  
四望

包固  
重復若其履幽垣於石津昭潛伏於天寶香爐列夫

青冥筆架挿乎玄昊龍沙表聖人之生石碣誌仙真

之號金井謝廬陵之尋石鏡來松門之討遠岫列於

簾櫳衆流縈於嶼島迫極目以相瞻盡衆形之可考

人覽名勝  
揔惟自然隕石誰謂宋遠得弓奚必楚亡柳出書於

漢苑石雉雥於陳倉罄浮泗沚梓化豐陽問落星而



不返揆墜矢而仍施玉龍濯波於壇洞金鷄棲石於

水涯金鐘浮如方響鐵柱鎖類支那枯樟秀而孫紹

香茅落而毋祠黃魚精躍白馬靈嘶然石鼎沸逐兔

莽馳雖設施之多象皆靈異之獨司雖遺蹟之散見

摠憑欄而一窺靈異之境指顧可得鄒魯多儒燕趙尙義無君

子斯焉取斯惟聖人類也出類稚傑出而辟先萌節

狃而靈享子魚則讓客之邦子翼則拒敵之壤蔡子

度之方嚴熊孝文之忠讜韋武陽之利澤張曲江之

字養施山居而詠存柳石臺而書徃陶咎念於亭占

喬夢符於星象羅梧桐而學修夏胡蘆而詩爽宋九

華之繁徒徐二陸而雄長羨山谷之甥多欽良股之

子黨或居鄉而族令或從官而世賞鄉里先賢著名尤異治嚴

道之幽居築家蓋室占金陵之王氣虎踞龍蟠寧懷

綬於郡邸匪移文於鍾巒乃析親戚於下澤迨達路

以康莊則建侯國於昌邑而升帝畿於南唐乘波流

今慨歎念家山兮破亡雖建置之偶弊實降澤之多

慶有真隱而肥遯有錦衣而繡裳易愛親之舊里署

旌賢於新坊地從名而屢益時因事而更詳設都建國時有



利鈍居宅表  
間人則名賢  
塗山慚化天孫感緣酒杯澹澹怪水神

於遭箭書筍  
深深羨羽客之登仙彈鳥悲而何曲看

楞巖而誰箋  
水猶漂梯路有傳籤裝舳艫於洲側撥

琵琶於峰嶺  
書日給而寫韻典生後而緡經縱驛騷

於南浦窮睇  
盼於秋屏色遠嘯今漫漶形遙指兮亂

熒樓睡仙而  
縹緲石堊夫而吟蚌埋狐僧於山後浴

鶴女於池瀕  
披春風之浩蕩捲暮雨其飄零牛洲逃

許鶴表歸丁  
制廢興於人力蹟變幻於神靈用物取精伴古

昭魯望火而登  
庫鄭授餐而適館里冠蓋而多成家

鐘鼎而無弄  
衢陌交錯以縱橫問問整敕而分判子

城巨官舍之  
隅甲第分民居之半亦奩則金屋貯嬌

藝苑則玉堂  
揮翰堂開野而有壯雨連川而無畔中

丞則秘書之  
臺方伯則懸書之觀觀察為連率之司

守令有聽事  
之案移則郊遊則冲制輪囷容炳煥射

策分秀孝之  
場止戈以營衛為捍寺以鴻臚而得稱

觀從玉局而  
可憲府世家珂里粉署人耶境耶傳

云舍云人歷  
境以不一舍闔人而更紛家九宗而受

姓恪子南以  
為君殊杞宋於文獻紹祝薊之榆粉頤



靡常而去就念在寬之處分人孜孜今學問俗彬彬  
今質文士矜知博之實鄉敦節義之聞功名踰於八  
葉學術富於三墳家賜書而藏綸綍人辟命而被玄  
纁工象物而多巧農力穡而惟勤風善柔而和悅氣  
渾樸而氤氲稀佻達之邈迥絕遊冶之紛紜閨門雍  
肅洞闢芳芬賈藏虛而殖貨卒撤難而張軍叟悠遠  
今自適童跡蹠今不群幾翱翔今鄉遂或肆習今黨  
員人文焯焯文王之圃百里猶以爲小管仲之臺三  
歸不害其仁聖人之世物不疵癘賢者之風野可狎

員

人文焯焯  
風格高渾

文王之圃百里猶以爲小管仲之臺三

馴故凡覘地之宜得天者厚動植群生飛潛畢宥糴  
科缺棲岐麥野秀水天天兮上森草萋萋兮旁造四  
方有不貸之圃八節有長春之圃詵詵飛羽喈喈鳴  
味鳥排虛而飛獸躡實而走覽德輝兮鳳儀祈甘雨  
兮龍觀礪砥磬丹植黎橘柚阜其財求儲爾糈糗集  
梯航兮萬里盈箱庾兮千街車轂擊其委輳人肩摩  
其來偕用粵閩之利器下梁益之巨簿錢鑄山而寧  
蜀盭煮海而仍淮閩七百而非女戶十萬而希俳識  
歸舟兮天旣遠辨江樹兮雲非霾漁人網集兮潭之



許樵客擔橫兮山之崖土宜動植貨殖市廛念王事

以靡盬訝征夫之每懷控兩驂而如舞閱上駟而旣

差間伯嶼之遙臨王仲舒之再刺足遺範於來茲乃

擅名於前世惟吾公之雅望被洪州以沃恩建牙旗

於幕府引齒簿於軍門聯司隸令公而座獨擁蘭臺

石室而處尊樓艦則浮吹雲奏轅門則行馬風騰按

兵簿於虎帳式民版以鹿轡擁臯比而士訓列檠戟

而司存蔡公蒞政威儀庾元規之乘輿未衰王休源

之相見無忤山落帽而成名臺戲馬而多趣出東籬

以命酒從洞井而選句題紅葉於高樓詠黃花於老

圃具文武集知故序賓不侮憐才無妬講德義而知

方運韞鈴以有素晷有餘聞會其良遇時授衣而惟

履節登高而咸娛騁高視於晴虛送遙瞻於平度饌

嘉穴之侯鯖逆頽行之賓羽淒本木兮秋陽晞蒹葭

兮白露蝨切股于戶鳴蟹懷芒而江輸公與衆以周

旋衆奉公於眷顧好善志勢湛湛露斯匪陽不晞厭

厭夜飲不醉無歸稱兕觥以獻壽抽狸管以揚徽相

與步層疊循曲周洞重牖敞輕幃沈覽無垠緬懷莫



酬歌明德於既飽念勝會之難留樂闔境人更賢

其王叅軍馳赴而序作韓刺史未見而記修嘅誰悲

於失路幸如獲於從遊况時事之屢變復身世之多

愁悵陸機兮入洛感庾信兮從周悲青坂兮倉卒京

江南兮綢繆愴去家兮懷土念託身分登樓臥郢城

兮越客上新亭兮楚囚惟爾雅兮近正何離騷兮逢

憂思美人兮懷舊傷志士兮悲秋替筆陪乘無聞遠

悲莫悲兮景蹉跎懷莫懷兮事通泰治亂要有期

勢故寧無會形廢物役滋志感心神快堂構此規模

傳舍斯聊賴惟堂構兮雖古今而不妨同其作述惟

傳舍兮雖天地而亦可等之遠廬納九州於一覽而

將無芥蒂通四序以一視而何有終初將使後之視

今猶今之視昔寧非物之於人如人之於予德已昭

而不爽功有象而弗居如澍雨之滋時物恍景風之

扇太虛喜公聞望然而海陬日出之鄉江表波瀾之

地下邑遺民遠方善類孔邇休風沐浴盛治遙吟遠

誦潛謳默識可謂浹其恩施莫不榮其休被東土聞

誦而乃漕憲新膺旌旄親蒞賦惟貞錯令無疑貳漕



歲興其艗浮官世襲其運使鼓搯發而舟迅於迴颿  
 歌鬢低而節疎於頓履固江淮兮渥承尤荆揚兮遠  
 暨詎霈澤波及其餘殆恩膏仁溥其利波之及兮若  
 何仁之溥兮無既無既兮施曠蕩有覺兮樂充盈霈  
 澤流兮江之永仁風穆兮淮之清競佩服兮咸荷愧  
 揄揚兮難形殫蕪陋兮而聊遜夫昇元之擬仰巍哉  
 兮而何有乎劍闕之銘公新除漕憲自江移淮乃作  
 歌曰遵江渚兮眺芳洲剪榛蕪兮訪故丘胥舊宇兮  
 結重樓愜風景兮肆清秋承嘉會兮樂無儔欽寵命  
 兮難淹留如獲從兮重登遊



姚文然

桐城兵科都

於惟隆興旣阻且饒列宿之分吳楚之交滙水陸以  
四達扼荆淮之廓寥跨鶴嶺而爲牖帶三江而爲壕  
體鬱紆而豐固隄繞雷之不牢羌東南之都會難剖  
悉而揮毫爾乃章江之闔廣潤之間厥有高閣熠燿  
具瞻作鎮大邦各勝所攢逮乎兵焚基局就殘丹桂  
倏而騏驎兮振盈淪其將踰彫鏤剝蝕而日頽兮鬆  
形沉而不鮮燕泥落於空梁兮蟪蛄冒於曲榭斃字  
而羅蕭艾兮原禽從而室焉嗟哉帝子之不作兮閨



於何而長延吾虞其似蕪城之走麇麇兮兔園之埋  
管絃豈意我公之眷茲兮重葺舊以麥先惟公之作  
撫南土兮雅望重而化隆幕府蔚其多材兮有張宜  
撫之遺風其捐糈而締建兮亦懷古而情鍾於焉召  
王爾命公輸倂拱水事度揀考廣袤憲徃初鞞鼓鳴  
鈞繩舒奏技騁巧熊變制殊豐做博落何可勝譽爾  
其結構則峻闕雙遡重門崢嶸構榭復施藥椽續紛  
百室連覺靡靡愔愔至乎修閣尤麗且新奠基兮爽  
塏隆起兮臨劓禁榻鱗接榭梧綺兮翡翠依依於綺  
幌兮孔雀絳羽而承楹鶴皎皎其側柎兮舒壯翼以  
不群猛虎班班而踞梁兮若將齧而故蹲猿父攀椽  
而競逐兮文螭蜿蜒而欲吟植風荷於綺井兮荷珠  
倒垂而長盛蘋藻寅緣於華稅兮葆青青其若生伊  
梓匠之工緻何髣髴之有神况其揭葦黝糾轆轤亭  
亭霞蜺纓帶於四垂高奈俯眺乎流星羲和頓轡而  
假道陽鳥遠鷗而廻鵠上嶮嶮而無天下結根而極  
坤觀者睭曉而失遇聞者矍愕而駭聽且也曲房旋  
室之櫛時歌臺層觀之昂藏或燿朗而曠焜或懿鼻



而颺涼紛紛吁吁倏陰倏陽出此入彼欲反逃方玉  
堂之居無以踰崑崙之宮僅相量我公於是從幕僚  
擇吉日戒僕夫烈棨戟服春衣端紳鞞出車輦輦建  
姚秩秩胥從雲騰騁道電疾爰臨閣中四顧周章徐  
曰旨哉落成所當諧我衆賓設宴飛觴開高軒以面  
湖兮則濟滌浩汗鏤鱗驗喁而相追兮羽儀浮沉其  
摧粲喬雲澄色於廻濤兮芝栢盪漾於漪瀾矚西山  
而眺望兮峯嶺聳翠石壁靈寥其隱天兮林霏黝儵  
其如織梅嶺鬱其嗟峩兮若攢圖之託霄際懷于真  
而不見兮意纏綿而遠寄画舸之連舳接壚兮若宛  
虹之蓋以廣陸之燕爽喧萋兮若青繒之曳長阡金  
湯之奩輪璘璘兮若貝錦之蟬連至若雲山之極杳  
葩卉之衆駁又豈能覩縷而畢次焉我公盼而樂之  
乃流羽觴乃申紉籌珍羞琅玕絲竹夷猶唱和颯颯  
洵樂且休然也伏處草土兮未獲從祭佐而侍華輶  
然得之郵傳者匪妄兮豈必躬覲而志乃酬彼伯嶼  
之高燕兮祇期誇媚以副其求而我公執簡而乞言  
兮直合八埏而廣徵搜嗟乎我公之恢知廓落兮亘



萬古今誰與儔遂作頌曰茫茫揚城廓無涯兮我公  
蒞之理亂絲兮紆徐以治如拾遺兮因其休暇營閣  
宜兮三吳之氓子來持兮咄嗟而落借民嬉兮山租  
水涓戴公慈兮予雖不敏代獻詞兮

吳允謙

西蜀池太道

巍半千之名世記龍起而雲謳需壯猷於南服紫峴  
北斗兮宵樂矣微君子之蒞止孰繼作而重荒懼將  
翦爲射鵠之圃秣馬之坊失海中之阿闕弔古道之  
戰場奚所供客子之攝衣而上俯風景而託徬徨乎  
譬我公之有斯役也一若其先世中郎之書石經彼  
則觀者車馬闐而基路此亦遊者行旅緩其揚舲諒  
比堅乎貞石俱呵衛於修靈殆勝其先世中郎之賞  
焦尾彼僅良材免煨燼於爲薪此則名構荷扶持於



就圯審巨細之非倫筴公侯之復始公今乘兮鋒車  
遺斯宇兮遽廬閣玄扈兮鳳集樓十二兮仙居愴邦  
人之依戀兮匹斯役於其榮效翦伐之是戒詎塗墜  
之忍戕謫邦人之頌禱兮擬斯宇於彤宮閱千秋其  
猶峙載三立以長隆客乎識之予今爾辭日西匿矣  
歸臥山茨俄而卻立警顏舉袂自翳化黃鶴兮竦身  
追落霞兮遺嘖禮高真之下逢眩遙天而送睇凜羈  
昇巨屏乎中區徙台魁於斗牛之野試舟楫乎彭蠡  
之者粵禹分之揚域有隋置之洪都其爲地也拒引  
荆越襟帶江湖面距五嶺背翼三吳厘

居

皇之西顧駕陪躅以熊車一遺物者必濟命求定兮

斯徂始弭節兮南浦導冥旌兮上山問高閣兮臨渚  
肇出牧兮滕嬰滕閣如何構遺唐代追勝會於當年  
儵神欽而噫慨欽天壤之工即乘神風而宴逮奮彩  
筆兮童牙壽高文兮千載匹終古之江河縱影徂而  
心在慨夫夜壑每移靈光不再塞榛莽於遺墟圖聿  
新其殆廢期展待乎政成許精靈兮酒酌歲歷三稔  
告成疆理四履百城咸休存祉廻解牛犢迺殪蛇豕



鄉輟驚抱峒平潛壘積栖畝兮餘糧廓周道兮砥矢  
紉縹囊以示暇釋盧弓而任弛於是飭大儒祭菜之  
精廬表正士維桑之故里慕採石兮交州志講德兮  
四子賦棧樸於王趨佇菁莪兮我喜訪遺逸兮後姝  
禮者成兮商綺何殊乎疲望睫之張雷所斬夫洩干  
霄於夜紫固莫不感鳴鶴耳慕螿包樂充乎橘柚蹊  
競啓乎桃李遊附響於和鸞醉宣飭於稱兕從邁江  
皋隄閭之址省夙願之思存怵慄阿之加地我已口  
而革乎彼取新而傾不茲其時也烏能但已爰諮叅  
佐爰計徒庸賦搜儲於餘弊役鳩隙於休農疏行潦  
兮汨汨第茂草兮芘芘沿廣袤於近制踐瑱礎於遺  
蹤歸瓊碱于搜剔付畚輦於流傭繼則良材汎水巧  
匠奏風釘頭瓦縫密其慮鈎心闔角逞其工替縮版  
以挺填芘牆序以茨蓬圻人呈技於黜聖塗者設色  
于青彤蓋削斲并舉枚飾受終多存麗素之質妙合  
奢儉之中皆書糧而料事罔單賄而消攻際葭線之  
應砮竣樓閣於摩空楣極蜿蟺軒窻玲瓏豁通虛而  
顯敞鬱靜穆以窮隆其靜穆也延唐辛而能拒赫曦



之灼其顯做也。郤歌舞而能受軍實之容，設帝子兮  
可作戒鑿玉兮來，思曠華樸之叅，用準今昔以合宜。  
必將曰後賢居上判，若繩淄悔壯麗兮始作慙青雀。  
之徒嬉設起子安兮九，束赴張讌兮督府煥梁桶之。  
仰觀憑欄楯而下覩，知改敝而撤贖經三秋之噢咻。  
存鐘鼎之傳家還閭閻，之有玉盛黃龍之過師毋俾。  
荆棘兮斯土故拜賜之，邦人樂趣築于磬鼓必將曰。  
後賢居上澤若黍雨，請點定而增華極頌禱兮毫楮。  
當都料之告脩值時日，之練吉從妙屬而帥登赫君。  
子之考室禮舉射壺，歡洽觴炙謂踵事兮無加守碧。  
題而奚易維時君子，扶櫺寄暢測衡山祝融之峯睇。  
廬阜天子之鄣識地，接兮犬牙隣里分兮鳥吭厠岫。  
嘯於祝融碑文命其，在上俯遠檻之安流詎濬川之。  
忍忘嵌廬阜於東籬，嘉靖節之高尙躡芳軌兮何人。  
擬酒貲兮遠餉乃坐，數乎此中睠李唐之二妙后子。  
安者退之均文苑兮，垂照刺潮陽而內徙以記來而。  
逋造念遷客之流離，惻稽古之心悼安得立二妙於。  
聖朝并寶璫璵於天，廟又步擱之徒倚聊俛指乎陳人。



或生於滕封之未建或闕夫唐閣之曾堙有如蕃推  
漢末之名牧稗尊境內之先民鬣封東晉蛇委太真  
播開元之風度維都督曰九齡下逮宋室安撫來巡  
伯紀元鎮蹇蹇主臣渺重湖之表裏閉蘇圃於水濱  
多時遭乎末造與道詘而莫伸安得丁陳人於當代  
共勦草昧之經綸因而述蛟鎮之靈蹟偉真君之飛  
篆願無憂兮薄收恒江鄉兮禍免夕陽在山筠簾方  
捲儼洪崖兮拍肩入西山兮遊衍招隱市之梅尉約  
仙壇之吳媛下鸞鶴之雙翔享豆籩之累踐指龍沙  
兮過城要雲中兮鷄犬逝將執役兮丹竈奚復縈懷  
兮鼎鉉夫鼎鉉卽非所縈懷兮驚

君

寵之驟聞下驛騎於入座兮展除日以交欣晉計相  
而陟中臺兮往揔漕輓於淮濱權將相之兼隆兮地  
方域以中分裝遒束兮祇侯飢待哺兮六軍付亭宿  
於通掌惕鋒召之孔殷疇仰天而致懇過四嶽之歸  
雲嶽雲歸兮不留影南浦兮悠悠繪凌烟兮起閣散  
明月兮登樓嚮陽鳥兮翩翩熏陌草兮芊芊肅画鷁  
兮江州集歌驪兮閣筵槍選錢兮魂黯戚沾軾兮涕



漣擁衿佩兮輟弦誦挈童穉兮扶華巔戶圖儀而寫  
照市截鐙而留鞭相與論功德於典祀祝世祿之壇  
延借高閣兮擬畏壘配鐵柱兮紀寧淵前王郎兮才  
之仙後斯賢兮人之天儷文章兮功德各不朽兮滄  
田

田俊民

秦右弼陵司李

衆山立巨浸收涵天地閣以浮太虛寥廓而不有結  
爲帝子之芳洲分牛宿以正基邇龍門以列壤衡山  
作屏於西南匡廬設藩於決莽劍池光護於前墟瀑  
布源分於東壘北臨石鏡之落暉西挹洪崖之朝爽  
襟江帶湖群流奔其下齊雲摘星諸峰覆其上洞兮  
四達宵兮六虛中據以閭夏若帝居履江神之故宮  
腋仙人之舊館面起千巖之秀背擁百雉之半層壁  
迥於霄端長垣彌於江畔飛瀾夾道而居懸橫檻架



流而岸斷曲乎廊腰迴近波聳乎簷牙啄高漢水由  
扉出雲自棟生門從樹啓階與潮平繡闥出納乎曙  
色雕甍掩映乎霞明水渦停涵夫山霭石楹縱送夫  
江聲歌簾曳露而珠碎疎櫺返照而晶瑩激滯破碧  
不雨窻幽澗流界玉疑雲徑稠曉曠矚而林間天遠  
晚憑眺而水上星浮孤月伴蘭宮之夕涼風生桂殿  
之秋非晴非冥隔溪嵐翠渡江來如霧如烟一壑林  
陰歸峽去浸樓臺而暑月知寒障松楸而午天欲暮  
雷轟電爍龍吟起也雨霽虹消漁歌度也花渚盈盈  
翔鳥集也芷汀郁郁眠鷗適也樓船簫鼓迷津處也  
車馬駢闐塞堤路也山高水長游覽之情與爲無盡  
也彼夫閣字秋屏未足盡西江之奇勝樓署物華未  
足騁東湖之逸興亭名孺子胡以極耳目之眺聽洞  
號秦人胡以縱水石之響應登斯閣也四顧無際一  
攬在旁翠滴襟袖秀滿画梁麗安數乎井幹巨孰遜  
乎岳陽斯巨靈之所闢地而海若之所望洋也嗟夫  
乾坤易老江漢無情世閱人以成世人閱世而人行  
望帝子兮天際拂劍履兮塵生寶條散兮無復會詩



序傳兮空有各山寂寂兮孤鶴怨水浩浩兮夜龍鳴  
吁嗟兮開歸然以終古街山光兮四水聲

湯調鼎

淮安原任州牧

維禹貢肇九揚州啓域斗軫疆函粵閩界閩上截江  
黃下淹吳國鶴嶺京維翔鸞遼默洪井流丹章江秀  
色美魚親鶩淵乎神幅亦有拔宅仙人羽翔乎雲日  
之巔擊奸尉僚熊伸乎西山之側此夫嶺表之隘阻  
而建康之肘肋故吳楚判割保界河山兵訏歲時將  
軍抗顏秦人罷郡置管江關潯陽派九此控百蠻維  
漢隆德租食侯王豫章列郡世族繁昌司馬盜帝民  
始泮羊雖有江州實藪牝狼隋宮罷曲龍奮有唐貞



觀美化國姓基康滕王攬景屬閣臨江勾伍乎庸調  
之籍跋徒乎逍遙之林繩梯乎千仞之阪蟬轉乎百  
折之岑相梃柙而度質睨棊栗而殺陰鼓悍獠之鼯  
鼯酌孔陽以斲金屬斧斤于百拳踣巨幹之十尋走  
霜牙之螫獸駭輪羽之暴禽睇松門之濯濯爛狸首  
之沉沉交橫萬屬曜景蔽虧陰翳鳥道蒼葦山岬備  
夫折軒駁犢騰馳如埃如潮無足而跋乃諏日相卜  
以靈龜兆繇協吉指課工師棟梁百蠹楹楯千斯簷  
椽森宿節枕蟠螭周衍翼列佶曲粵離演迤複道洞  
器梁憲走召倡樂臥箏橫吹騰竹肉於烟際幻楚舞  
於蛟首邀騎風之鶴駕醉躡鳳之瑤姬娛帝子於蘭  
宮聆華奏而歌思于斯時也金袖頰玉缸暮馨鼓鳴  
銀蟾露肅駕來權火寤國門張鹵馬駐滕王坐而嘆  
曰樂哉斯閣寡人將年歲之與偕而不悔乎恒舞之  
故步迨夫長安烏播西蜀狼遷靈武卽祚治逾百年  
八姓轉電陳橋革天歷載四百半處江偏走死海岸  
地維改絃坎壈三世元祚息肩濠梁一劍釐正方圓  
文章禮樂江漢晏然乃眷不常廟撤宮縣至于



今上八百舍傳此非流景駛邁之乾坤哉而閣胡棟隆而不顛迨

極五年元愍擅命穢漬天衢奸回夏正鼓烈江臯南昌不競城闕蒙災閣緣烟迸青熒百里光通石鏡數殫理窮孤城賈姓餘氛側匿山魃夜勁

笑子念之乃親御應門召咨王侯九卿下列三公上頭淵誠霽色逮訪群謀惟茲伏莽生民其憂乃簡虎臣屏翰江州僉曰公可若濟作舟

帝曰俞哉錫以赤弓民其魚矣汝往惠柔公祇拜

命跋馬東首開府置第突騎千走安降撫順獲匪其醜霜清下國澤貸黃耆噓枯吹生風回陽九整西江之輿區綴窮鄉之襟肘起倒溺于重泉慰宵愁於星霄釋刀劍而負犁歲告成於社酒方精鑿以永年寧饘粥以糊口人譜德而起謠公歸君而不有于是走從事召叅軍簿署佐吏下教散負來止乎滕王之閣憑吊乎章水之濱悵珠簾于焦埃踪華棖於哀雲眇丹栴其塊落沉鈴鐸於陰曛迺棲鳥于遐路等寡鴈之凋群惟古芳之可繼或罔謬乎前聞乃飭司存區處



土木授辭巫咸涓辰改卜課墁陶人斬材山麓計口  
賦廩程工不宿旣輪旣奐以雕以樸方廣畫中周詳  
節目背通爽牖肩連曲屋倚瞰疏甍迴紆丹谷琢瑛  
功以層階錯琳璿而貝伏飛檣檻之朱藍粉雘塗而  
坳蕪煥碧砌之龍鱗客能言之羽族聳銳上之嘲風  
憇瑤光之靈膏于是修毛設食擊鮮娛賓庭階鐘簾  
簷額麒麟觥鏤黑黯劔佩延津諷鵝湖之稚穉剪白  
鹿之迷榛柯南州之高士訪不仕之吳臣非選古而  
思齊胡嘉樂之莘莘乃有軒帆啓渡漕粟幽燕馬驥  
兔逝雲麗星闕承尾千舳風雨異年公惻然於轉食  
傷浮涉之迤邐曰此夫牢廩之貢也而人違乎慈母  
之拳拳亦有百廩居積中市營金足胠重繭更調勞  
心竊溫飽於毫末麗苴屨之暴濇公乃下車而泣滌  
蕩文深轉移夏曰蔽芾棠陰曰爾何爲是倏聃者哉  
而不被乎文景之好音爾乃放觀五湖低徊魚鴈網  
目枚繁得失交訕耽虎視於叢淵逐水材而忘晏會  
權舡乎西暮涕累黍之不辨公爲忉惻撤帳罷遊爰  
告令牧民瘼殫求止軍行於望屋收斥埃于原陬晝



官私以平準貸賦役於田疇倣力征於三日罷公作  
之贅疣黔獄貨之多門湔吏道之姦偷于是民說而  
歌之歌曰日入城門門觸額足舉一寸顛一尺司馬  
扶我下赤石民其康居蹈衽席廼公猶敬典訪遺耆  
於苓隰闢宗濂之講堂施角巾而析義程髦士以戒  
荒咨時臬於心繫寃德滋之未央或發策而起予爽  
誥恣而廻腸思洪舒而待旦孔渙號而蘇瘡方久道  
而怙止忽摠祿之來章惠干城於南服貽保享於潯  
陽于是三老集博士徂陳雅頌羅壺漿言修祖於江

閣如瘳疾而遭創思川

關兮靡及牽落炤兮衣裳勒犖勲兮壽石祀遺烈兮蒸  
嘗



羅世繡

蕪湖明經

歲旃蒙之協洽今日馭軌乎青陸溯鵲岸之勞人兮  
 續螺川之聚族既涉蠡渚屆楫南浦岸柳拂而雀舫  
 維嶺雲歸而滕閣吐乃御葺裘乃命步武乃陟循除  
 乃詭行侶逸徂影於唐賢何如新其棟宇繫誰氏之  
 經營貯吾曹之懷古况觀羽人體貌閒止塵柄示麾  
 鶉衣動葉輟倚前楹退憑曲几顧語羈遊啓其兒齒  
 容直知夫滕王元嬰之創閣始也王勃子安之乘靈  
 風而飛筆蓋也不知夫歷歲序兮千齡揚劫灰兮星



紀何樓閣之不埋惟江山之未徙此之輪焉矣焉取  
新出否蓋我陳留公邇者所下令而加屯也于赫惟  
公夾日自東北珣玕之剖璞薦蒼壁於郊宮于焉持  
節佩玉璿葱占夜墟于牛斗發虹采之瀾空填撫功  
成穀三稔矣屹如鐵柱鎮蛟蜃矣萑苻之靖柝鼓寢  
矣報賽西疇櫛高廩矣菁菁樂育正衿領矣耆老在  
郊造而請矣飭釋菜於鹿洞哲維景矣束薦福之轟  
碑增貽永矣百廢具興吏來論矣於時公也小隊臨  
江出陪叅佐行駐旗幢欽文心於曩彥敞天壤之茫  
茫儼高會兮未散羞丹荔兮蕉黃惻廢墜於遺址詔  
修繕之是曩宜疏央賣曷曷懷梁宜前卑以凌檻曷  
周設其綺窻宜補穿漏於鼠雀曷致皆鹿於牛羊曷  
嵌碑版於陰厦宜植柱栝於中唐爰出儲胥於歲祿  
而屬監省於紀綱攻取庸乎農隙法按侯夫徒杠居  
亡何而已竣鞀鼓之逢逢還鉤屋之麗麗仍延初月  
仍挹夕陽拍西山兮暮躡兮難留反吳船兮水裔炳  
松節以搜毫述琅音而文綴



蘇文昌

晉江孝廉

偉鑄時之天匠發傑想於靈端擎辰極以高峙頓八  
紘於掌間概凌空其振拔象屬救以胥安俯扶搖使  
在下矯鵬翮以雲觀眺名區而採秀鎮瀕洞乎驚瀾  
粵彼嶠貞壺方之製玄麟炎鳳之丘銀河作水桃片  
流翰層樓且熊於十二五城蜃舞以漚鑿固飛懸於  
恂倪詎華瀚所趣求若乃天分斗域地挺揚州灑塵  
寰而水雪咏洪流以忘憂湖帶江襟恣天吳其浩淼  
越提荆控閩蕩決于靈湫向若遙驚壑洋寡倚舳艫



萬艘匡衛皇州結高漢以風美夙環望帝子之飛樓  
觀夫廬峰炤瀑都靈宗潮疏岷峨于九派騰噴雪以  
超超浮光躍金之景蓮香露碧之朝疇風鬟以霧縠  
越嘹唳于清簫極江楓之湛湛連江水以飄飄迥雲  
中之白鶴解鮫珮於蘭橈倚雕楹以騁望渺九構乎  
金焦勝事有期危標寧駐斗轉星移桑滄易注倚弓  
於翠鳳唼扉繫馬卽青虬樓柱弗有泐也其何以昌  
披萊挾漢整萃振嵩紫棟雲翻文漪溶泚矢棘翬飛  
鸞停中泚釐庶績其百康扞玄襟於群理煥兮靈光  
疏觀豁爾馳入凌霞之館雪滿群山晚登飛蓋之亭  
月明千里於斯日也戈船列則組練廻画角吹卽長  
風起笳鼓咽川原繡碧紫汀渚牙檣錦纜六千君子  
之營玉帳金符百萬貔貅之侶礮水府而燃犀挾風  
雲以爲氣震天聲於九垓鎖蛟龍於柱砥神明煥週  
矢歌來遊彼都人士雋賞風流衣工出水賦不藏舟  
罨画波心載纜載浮筆似戈其曜日文垂露以非秋  
焜迫霄輝湛鋤之珠莫祗鋒輕玉切豐城之紫難收  
貢龍藏之寶色陋鄴下於應劉亦有神女揮鸞瓊姬



乘霧含吹勝蘭香生川路乍迎也皎似初陽昇朱霞  
徐颺也萼若紅芙出滌波辭璇宮於夜織時漾衍以  
弄槎澹蕩靡極素波如曙靈鼉擊鼓馮夷儒趨金支  
翠旂光絢有無妍哀要眇爭刻霓羽之商洞湧杳冥  
忽奏水仙之句珠櫳迴明銀河不驚屏域中以常陳  
愉條然於高情肩拍洪崖浹忘返玄霜霏屑微語  
雲瑛何蓬萊之颺引坳三山其可登宅景鐘于麟閣  
俛元化以徵鼎于是坐桂留仙之彥遊梁賦月之豪  
乃起而稱歌歌曰長城鞏今淨烽烟閣飛來今新捫  
天浴日月兮混瑤舫輕颺流冷兮鳴環珮以翩翩嗟  
夫崖谷奔馳景遁物脆豐峻翔騰空烟凋萃章華集  
靈祇批攢乎江峰井幹麗譙竟留悲於逝水豈若資  
川濟朗映漪生高炳霄晃曜彷彿化人之宮遙颺隨  
風綽約水射之構沆瀣銷氛金莖坐漱猶夷寶堞早  
飄凌雲之思濯足長流慨慷澄清之侯賞絕陳編功  
推自然摘碧落以辰星豈嫌璀璨召赤文於岫嶽曷  
厭鈎玄西雨南雲画棟朝飛如昨衡平階泰珠簾晝  
捲珊焉勝致匪夷爽懷兼領清風朗月何言庾亮當



秋撫古攀今未數峴臺芳景近言一章溯風并引  
最憐勝蹟久烟莓朗閣珠暉迥舊栽浩蕩江聲雄日  
夜迴環風物恍仙臺欄凭彩徹空澄練思迫秋清豈  
借才控攬九瀛天萬里更將高掌劈雲開

張玉潤

宿州學正孝廉

悠悠類萃勝異斯傳粵滕王之高閣致王勃之名篇  
笙簧軼事膾炙迨年學狃陋聞躅希芳繼聿惟蔡公  
鐘鼎傑姿珪璋全詣偉柱石於燕朔壯屏藩於豫章  
轍底援魚決西江而潤稿獄中騰劍躋北斗以觀方  
裕陽明之討叛銷友諒之留殃恤征科而吏誅私稅  
諏隱蔽而言達窮鄉軍嚴紀律荆不生師租賜飢荒  
賜無遺谷軫農夫兮念紅女傷濫侈之泥沙勤垣墉  
兮塗蕩茨照流亡之井屋行旅不持兵月店霜橋俱



坦通宵無吠大杏花萑葉誰殘庠育青衿九重鈞陶  
之地洞開白鹿彌疏文學之源四顧躊躇覽前圖睠  
舊都睨閭公於往構翼帝子於今扶基因有脚陽春  
拯淪泉而作砥工出生心造化補熄迹以增華西山  
雨歇重來肅紀之簾南浦雲沉再接維顛之棟俯瞰  
則流水朝宗仰瞻則崇臺出震遐眺則衡廬拱揖邇  
遊則鸞玉鏘琤雕栴刻椽陋貌改觀磊楚嶢楹卑形  
陡起逾延曠閭狹制增恢次密璘彬亂階悉理端舞  
榭於欹傾植文窻於委徙蔭蛟蜃以包琦括荆揚而  
貢綺瓦甃龍鱗分耀雲臺之繪簷翔鳳羽飛嘶麟閣  
之綸拭殘碑而磨礧斷砌揚古陛而夾輔埋塵星櫺  
熠其森嶰兮碧始見乎籠紗桂殿矯其中興兮綠不  
隨於庭草茵生香案年深之弊竇俱芟狐上門闌歲  
久之汙邪忽掃吸倒景兮夕陽得先容兮皓月拂午  
輪兮孤標旭晨羲兮百寶檻落長虹濛雨晴空似畫  
牖開明鏡波光樹色全收巖壑嵬峯今司隸龍門之  
峻宇炳麟璀璨今將軍武庫之新猷升赤膽而爲一  
朶之雲玉皇高捧近青霄而煉五行之石媧氏重修



彤階耀晦以陳儀葩井噓枯而吐萼體樹高明勢涵  
磅礴天河入戶平懸瀑布之飛泉空翠來庭低引露  
盤之凝酪離婁繩公輪鑿鳥鼠除瑤琚錯挹千巖臨  
萬壑營靈臺於經始適觀民庶之攻庀毀室於漂搖  
非諉道旁之築披閭闔而捫闕今何憂虎豹當關萃  
苞符以造巔今行見鳳凰巢閣化瑟更張曲奏湘靈  
之鼓殃池罔及風飄漁叟之歌新府慙其未備洪都  
慶其不磨度越前規滕子之樓傳巴岳煽揚逸韻歐  
陽之亭記翁

主得賢臣多才多藝地靈資人傑成始成終若乃朱  
門寇嶺凋漢苑之葱菁華闕連洲沒吳宮之麗灼烏  
衣巷裡窟兔踪橫赤芾堂前空梁泥落斯暫寄崢嶸  
亦何闕樸斲又若窮工梵舍高罪淨屠第災有益曷  
入訐圖更若庾樓舒咲謝屐遊邀祗尋我適遑惜前  
勞惟茲治定昇平貲捐清俸載鳩餘緒式表雄瞻如  
登軒駕之崆峒可揆玄而問道似觀虞巡之方岳爰輯  
瑞以光邦爾乃圍詞藪築藝壇召任沈列蘇韓相如  
執旆枚乘飾鞍網魯茶於壁畔校天祿於毫端驅淬



妃兮舖茶呼不律兮衝銳奪錦袍兮先成宴栢梁兮  
能製通帝座以驚人兮必欲詩携謝眺凌天風而落  
帽兮政瀕文蒼孟嘉于時悅服遍咏歌盈筆友古文  
生情幾湮繞梁幾售連城想南山北闕誰憐三棄不  
才念殘月曉風竟委波翻太液策對各言簡登科而  
下第歌傳高曲求和客而希聲宣室虛懷於未逮前  
座長沙沉香賞調於清平調美供奉雲破月來三影  
志尙書之喜僧敲鳥宿再推傾法史之交感遭逢兮  
各殊思鑿拔兮良鮮伊其鼎煥而離晉兮倚歛下交  
而上行譬五星之聚奎兮將隙光其可耀若百川之  
赴海兮且勺水而相迎擎遙天於八柱兮寓高閣而  
旁施整大厦於四維兮借前王而生之由真固以幹  
事兮寧寄托於三秋九月根妙義以立言兮詎摧銷  
於物換星移彼都督當年靡聞德業乃銓衡慧鑑不  
錄浮佻先期作序已嗤貴壻之無稱孺子成名曷使  
奇才之擅美問親王鷄鬪何檄自一介書生至南劍  
客遷豈貽從三尺微命槿榮易萎匏落奚疑是以修  
閣之後輒繼修文賦勃之餘仍搜賦雋刮奇目以敷



求收明月夜光之劍闢宏襟而廣攬備牛溲馬渤之  
籠壯心白首還推矍鑠馬援失路青雲猶選龍鐘裴  
度輕千里而來告實羅翰墨於西園有介臣以能容  
非飾公孫於東閣嘉材悞用急提爨下之琴群鷲高  
張惟薦鳥中之鶚爲天喉舌兮酌元氣以運時待詔  
金門兮擢賢良而訝遲禮登樓於玉粲兮無俟假資  
乎楊意接避席於然明兮何嗟不遇乎鍾期西山書  
秘應運俱宣太乙燃藜乘時并煜後祿食而修和有  
夏僉曰休哉陟思皇以鼓吹休明遐不謂矣能有一  
人輸舊蘊引新畊望滄江織支機奮袖濡毫掛賓就  
座振大雅於東洛掇囊珍於李賀響發高岡會聽雲  
中仙佩光蜚復旦應觀天半朱霞儷班馬於千秋惟  
擬縈名之附驥摘星辰於百尺豈爭下里之鳴哇業  
艾芸編生鑽蠹簡奏新語之書須從高祖陳洛陽之  
策尙待吳公今聖人出而庶事康泰階平而吉人藹  
際元首崇儒叨典詩中泮水值臣隣知化微襄甬上  
寒瓊三冬學用難幾李太白之百篇萬戶侯輕但願  
韓荆州之一識顧班窺管內殊慙坐井觀天而袞觀



東方竊幸舉頭見日當此山川增麗人物重輝干戈  
胥靖靡驚楚炬焦原禮樂將興當使江花燦管巍巍  
乎功也爲四方綱郁郁乎文哉惟君子命金聲擲地  
毋令丹篆藏胸銅鉢敲詩何取門庭置筆邦雖舊而  
命新已極人間之制度事可傳而辭達益收天下之  
精華大觀在上哀時對於敷天庶績其凝和工歌於  
協帝購琅球而風高雅會遵道路而詞繼颺言吐白  
鳳於賦成惶疎異彩傾丹葵於陽向敬效愚忠非徒  
瞻彼鍾陵咸仰風流之曠代抑亦覽茲詞賦共欣此  
李之從公



嵇宗孟

淮安鄉紳

若夫碧琳紫館渺鳳想於層岑絳樹玉清極鸞情於  
遶漢望闈風以縹馬曠若三秋羨桂海之連雲迥如  
萬里爾乃長楊月黑五柞烟青結綺臨春舊語不堪  
聽燕子吹臺觀榭落花無計醉蜻蜓是以王粲登樓  
而神州愴目希文作記而巫峽閑情則有中丞蔡公開國磐石丹青

帝庭塗墍

室翼六飛而奠鼎執大象以作弼廓清庶政百廢具



興運斤一朝群工單秩當其杖旄鉞總堯蓋泛彭蠡  
撫江州山川霽色鷗虎忘憂控吳粵之上游梯航萬  
國撐西南之半壁砥柱群流於是偃者立鬱者抽榛  
莽者達積沓者絳頑梗者勰疎逃者哀閤吻者摩豁  
稠濁者媵修涸者奔涎駁者馴柔幅億者弘敷崔隤  
者輪蚪江漢有召虎人歌衽席荆襄聞杜預望重金  
甌至如補短移化興廢起靡甘露玉泉天琴載煥鵝  
湖鹿洞芝檢崇輝慕子羽之清修傷心靖戶仿魯侯  
之戾止號日鸞旂烽鏑不聞而鼓鐘宣德河山如昨  
而草木煖威爰考名區周咨古躅童年讀賦嘆子安  
之大篇暇日登高訪元嬰之遺築嗟哉備閣創曆千  
年烈矣劫灰歸之一束燕麥春乾兔葵晝白葛纍胃  
涂麈鬣登木委諸草莽而盡棟雲枯化爲蟲沙而珠  
簾雨縮偈帝子之霞踪悵真人之蘭轂乃飭五材鳩  
木正審八宅考日景準以向背之宜揆諸孤虛之境  
棟隆菟豫章之竒子來効靈臺之奮五楹嶽峙群廡  
玉挺煥乎井幹開八窻以摘星歸然靈光引千峰而  
鋪錦西瞻榭嶺別具洞天金龍夔伏玉簡蟬聯章江



一碧洪井爭妍吳采鸞跨鶴之洲烟嵐如醉殷洪崖  
投書之渚蚪蚪亦仙山號逍遙儼臨三島水分冷暖  
同出一泉天寶市中再逢漁父春風樓上重集名賢  
睽言南顧羅山嵯峨劍池丹水左蒲右荷訪鍾離之  
舊廬石多綠髮攬張華之遺館幌以青蘿義松鱗鱗  
而虬結陽葩鬱鬱以鳳雉北瞰松門送懷昌邑椒丘  
宿雨驚迴游子之車石鏡新霜研以仙人之筆鐵柱  
風柔鄱湖月笑秋屏橫翠而一鴈呼寒彭澤起雲而  
群山濯熱亭歌孺子羨高士之宗風城築灌嬰堞英  
維之偉烈綿邈而東泊乎春容看竣鳥之軒舉詠顧  
兔之烟籠洗馬池清而飛星求浴香鑪峯竊而長劍  
倚虹粲百花於洲渚昭萬象於穹窿締造及四維江  
山人座經營甫三月輪奐成功登高作賦慚無王勃  
之才煉石補天疑出神媧之手桃花烘面指黃鳥爲  
故人秋水盈眸認白雲作嘉耦芝題藻井謂善創實  
善因雉葦帶飛以開先卽開後蓋惟具旋乾轉坤之  
大畧身作工師顧能成冰日浴月之奇觀人依戶牖  
韓昌黎之夢寐自昔未酬閻伯嶼之三賓至今不朽



扶杖而觀快茲樂土振衣以上奚啻春臺白露未晞  
倚簷牙而賡謝賦清歌將歇引僚友以醉庾杯歌曰  
夫何高閣之噴吐兮曠古懷新渺水天之同色兮魚  
鳥親人嗟滕王之可作兮迺以笑而易顰唯勝地與  
碩人相彪炳兮亘乎千春又重歌曰江之水清且瀉  
公之徠閣不瓦江之水清且淑公之去閣以蠹上不  
礙青雲下可棲黃鵠青雲黃鵠貼天飛萬里舳艫達  
帝畿日邊已築麒麟閣海上何人咏袞衣

滕閣徵詩彙集

五言古

劉正宗

安丘內院大學士吏部尚書

大中丞蔡公出撫江右百度維新瀕行重建滕王  
閣徵海內名篇兼刻舊集合爲大觀一時盛稱  
之風流文采不減伯嶼子安率賦呈寄

浩浩洪都江翼翼滕王閣勝跡亘千秋賦成事如昨  
歲月有推遷繁華易寂寞况復閱滄桑飽經兵燹虐  
南浦與西山蕭瑟空寥廓蔡公仗鉞來緩急備相度



一旦逃亡屋市塵趾交錯轅門角不喧四野安耕鑿  
遂令百廢興傑閣峙丹雘清興快登臨兼足暢斟酌  
後逸享今勞宜思戡定略江山自古今無負怡堂作

薛所蘊

孟縣內院禮部左侍郎

在昔滕王閣盡兀西江浹披閱子安文兼誦文公紀  
勝槩壓洪都光照江之水一朝寇盜纏名城生荆杞  
文物一炬中人烟闐千里盡棟餘焦土珠簾何處是  
有美蔡公來勞勞與更始政通人以和百廢乃具起  
茲閣復巍然邦人咸有喜朝夕快登臨繁庶凭欄裏

捲雨共飛雲形勝胡足侈賦序慙王工作記非韓比  
因風寄短詠匪直爲觀美後之感斯作庶幾有所企

陳之龍

袁州原任鳳撫

夫古今之樓閣以文人而傳古今之文人以虛名  
而傳古今之虛名以實事而傳文章得時勢而  
轉之入于人心炙于人口山水宮室遊畋之事  
好奇者爭艷談之雖遇刀兵水火之劫不傳于  
此則傳于彼若滕王閣者閣未必甲天下而文  
重文未必貫古今而事奇唐元嬰爲洪州牧無



所表見初置此閣或爲歌舞地獨以桐封滕王閣是以名勢也至閻公伯嶼大宴多士以文章之名私厚其婿而王子安以少年與其席末名給筆札客無有承者子安獨毅然不辭閻公怒于中子安此時不幾以文章殆哉及兩次竊觀之公乃嘆曰此天才也時也昌黎韓公有新修滕王閣記而不與子安之賦並傳於世俗之口者以移刺袁州未與太原王公之席文章雖至時勢使然所謂名以事傳者此也今閣燼于二

遊蔡棘瓦爍積于江滸迨茲十有一年少司馬蔡公伯彥捐俸構材閣侔先代比旣成公以奉命屆期行草野之中徵文四貢乃云閩粵吳楚懷珍斯剖紳衿隱逸抱璞則投以文章之道公諸天下視閻公之欲私其所親異矣將來超子安而擅千古之名者不知其幾也龍雖老矣不獲從公遊亦能爲公誌之因作古風一章詩曰

清皇乘六龍再戰蛟螭穴顧茲大湖西聖憂不能輟多士盈朝廷仁者心悲咽何以獨瘁勞寔欲邦國活



千澤魚鱉深萬畦河黍澗穡鳥喧釣磯漁唱出湖沈  
雨過五老頭雲飛小姑纈安得一臨觀心性更超脫  
因思王子安作賦何勇決豈期宴間公千載稱竒絕  
山川新入思景物頓生舌太原王中丞棟楹幸不折  
昌黎空縈懷三王序賦禍帝子舊宇灰司馬新臺設  
仍以滕王名選哉古人列豫章本多材三韓稱人傑  
土木不厲民丹朱飛虹蜺毋廢後人觀毋侈前人轍  
輕車逐平岡連航過崇闢遊人不畏官士卒不衣鐵  
影倒三洲重濤飛四圍迭我獨畏繁喧登閣適叩闕  
西山高臥雲章明平流雪城頭戍鼓闌臺下江聲咽  
皓影入珠簾蕩漾無分別如此良夜中相思何可說  
至人在淮揚賓朋徒切切染翰思伊人展轉重瑣屑  
澄潭天貌親鮮彩月容悅深夜上庾樓中懷真鬱結

彭份

南昌鄉紳

幾度登茲閣臨風懷帝子蛺蝶旣他飛懷益弗能已  
我公造我邦煥焉還盛美爲與形勝關莫作凭眺擬  
開牙新嚮明期廻面西起望中兵氣銷滿覺光華被  
慈雲宿重藥清霜拂塵滓靜翁章貢流瓴建彭蠡水



萬象招可來千峰遠欲邇許惟疑在目喬鶴如送耳  
遙對蓮花國見說崑崙峙我邦我公造佛界仙居似  
皇世森四阿鳳凰爰集止漢室麒麟遊奕奕圖畫裏  
我公道德深功業歲月累登高作賦餘遐不作人只  
所造弘且多茲閣一斑爾行將廣覃及大造同我里

朱克簡

寶應福建巡方

憶昔辭雙鳳搜才向五羊道經洪都郡太息古蹟荒  
有城名灌嬰無閣號滕王画棟空秋草珠簾只夕陽  
停車訊土人皆言兵燹傷因思此形勝豈得重輝煌  
天生萬人傑開府鎮豫章傳檄消烽燧飛劔掃檣槍  
地沾郇伯雨人愛邵公棠百廢無不舉懷古心徬徨  
重建帝子閣良材羅四方班匠運天巧簷角如飛翔  
錯之以珠玉絢之以丹黃井幹通帝座雕甍駕女墻  
乘閒屢登眺記室從孔璋春花載藍輦秋月據胡床  
臨風賦新詩四座飛羽觴下看九江流逶迤抱南昌  
傑構垂千古千古名俱揚

俞墨萃

南州鄉紳

贛水流虛閣西山相對峙云爲帝子臺昔崇今乃圯



黃華覆野阿白雲宿道里窮蒼亦愛修開府伯嶼儗  
澄潭靜毒龍具區馴鯨豕百廢賴之興文壇與更始  
多賢登刻書滿座歌樂只相將登於斯心曠神怡矣  
剪荆庀大匠巍傑再崛起玲瓏吐八窻文章盡千紙  
久傳王子安未畢當年美添有月色來江光浸淨几  
羸茲驚夜筵益煥章門渚韻什集如雲高和誰能比  
旃哉慎賦言造物方無已

潘士璜

桐城原任縣令

歷朝有佳文工繡湖山譜以此當臥遊無今亦無古  
天然位至尊大雅難悉數南雲時復飛潭水今不腐  
帝子何風流詞人賦鸚鵡雅望頌名公蒼生遍霖雨  
高閣蠹洪都江舟式歌舞

鄭適玄

潛山令

南州古名區文獻乃淵藪城郭俯章江雲霞接廬阜  
昔有滕王嬰創閣在江口宏鉅比宮闕高華燦星斗  
西山矗其前東湖滙厥後衣冠咸萃止鮮不厭朋酒  
嶽峙千年餘一朝際陽九朱薨委烽燧黃壤成培塿  
衰草不足觀行人幾回首頃者大中丞秉鉞撫江右



仁風扇里閭井雨潤畝畝懷古登茲臺惆悵爲之久  
顧爲百執事興廢曷可苟卜吉召工師群才自奔走  
結構雖重新規模必依舊遠邇悉來觀驚嘆此非偶  
提壺匪自勞先期祝公壽所願中丞名與閣俱不朽

秦之鉉

陵川新建令

浩劫無終窮突兀俯江陌在昔帝子始風流存擘畫  
滄桑屬屢變父老思舊跡菁華在人心蟲鼠豈能厄  
向背審所宜開軒覽山澤山氣遠更佳江聲環咫尺  
乃知造化理新故情不易綺筵今復張大雅猶如昔

其二

良時不可失盛名不易得當年閭伯嶼懷古心惻惻  
開宴羅珍羞賓朋紛如織放雁唳清秋富貴難終極  
自非王子安嘉會幾無色雅尚與豪情千載猶可憶  
文章闕世教况復貽厚德

其三

日暮西山隅返照射碧瓦層閣生翠微金樽倒玉斝  
何意城市間覲此山林雅舟楫浮中流簫鼓爭妍冶  
車馬翳江濱冠蓋通蓮社歌舞曲未終魚龍悲清夜



但問桑麻人今年遍綠野

潘取臨

山陽孝廉

二儀闢昌運惟嶽挺國匠振翮錦川湄衛帝俾南向  
神功歛已著建閩江之上德隨江漢流志與匡廬壯  
迴瞰滕王閣荒埔怒懷悵伐木鑿葱蒨琢珉出澠澆  
傑構踰疇昔江渚鬱相望滕王復何在子安不可尙  
至今一片石岷嶠氣悽愴千載新增修清飈軼寰央  
天子曰咨嗟元臣曷以貺積貯在東南匪親孰爲障  
汝其作司牧兼之專饋餉寵膺實天眷未始不交讓  
淮干挹素芬敢頌修閣狀峻閣轟江潭魂馳洵云諒  
倘能附末照雕虫詎敢傍

沈漢

塩城孝廉

巍閣聳江天登臨延衆妙俯仰問今昔幾人展高眺  
滕王事已非子安年空少斯人一朝去轉盼生憑吊  
所貴立功名千古風愈邵撫軍臨此閣悠悠敦古道  
嘆息溯流風歸然增孤峭一旦閣重新半江艷夕照  
更賴庇萬間飢寒資覆冒嗟彼庾元規對月徒清嘯

方都秦

皖庠



高閣臨無地極目盡江天攬勝恣登眺陳迹已千年  
劫火燄中區喬宇蕩荒烟刺史賓何在龍門序空傳  
美人從西來寄懷在山川罷戰輯哀鴻買犢教耕田  
南浦雲猶昔西山青可憐惆悵經舊址解俸得楠楩  
峩然起雲表島革摩飛鳶簾捲長天月檻泊夕陽船  
彭蠡波恒望衡陽鴈每穿高吟集賓客群聳作詩肩  
壇坫有主持風雅足留連去去臨江淮淮水清且漣  
父老殷勤語珍此閣上椽古人憇棠陰剪拜一凄然  
洪州我舊過滄波在目前春江一棹輕浩歌附管絃  
渺渺唐初蹟風光今更妍况復饒惠聲峴首碑益鐫  
爲問登臨客千古頌誰賢

任塾  
皖庠

高閣矗雲中飛甍何迢迢丹樓望若霞赤城疑建標  
閭公興不淺王子才獨劭崑然千載餘傑靈乃並昭  
忽罹兵燹厄棟宇委烈燬春風過故址葵麥相動搖  
我公鍾嶽降來茲揚清飈坐嘯鎮東南太平燭以調  
江海波不揚原頭烽罷燒乃從政事暇訪舊駐雲輶  
拓地甫經始百工畢一朝邑有子來詠民無澤哲謠



勝王閣集  
結構一何偉四閣凌雲霄檻外屯紫烟窗中吼靈潮  
興廢理有然前美後益超把筆載歌頌愧無英瓊瑤

### 蔡士英

巍巍帝子閣千秋名不觸選勝江水湄攬秀西山色  
桐珪侈壯圖意若在遊息豈期協地靈遂樹今古幟  
閭公啓戟開踵事增華飾九日集賓朋子安適相值  
抽毫抒宏詞伸紙寫胸臆閣因序益傳名與碑俱勒  
昌黎繼作文累歎登未得自茲歷興衰此閣無因革  
余少讀諸篇欲觀苦難陟奉

撫江邦詢樓人莫識吁嗟平生懷勝蹟豈容熄解俸  
選梓材拓地剪荆棘彷彿初唐規景物宛如昔山街  
遠翠浮水積空明逼竹箭萃東南天馬來西北王郎  
舟復送韓公志終克豈敢後前人吾願聊云塞

### 羅以生

慈谿庠

星纏扼吳楚名郡推南昌廬峯聳萬丈章江渺且長  
洪崖鬱西翠浩浩還鄱陽飛閣臨江滸卜築始滕王  
峩峩出雲表金碧何輝煌豈爲壯觀遊賴以開靈祥  
閭公循懿躅佳節集鳴璫賦詞燦雲錦高文侑霞觴



子安邈難及年少獨琳瑯事雖同逝水千古猶芬芳  
具瞻盡遐邇寒暑幾朝暘如何被兵燹故址成淒涼  
蘚痕綉殘碣衰草肅微霜白雲紛來去江水空湯湯  
懷古情無已登臨切徬徨廢戟幸南下乘風騁驍驍  
波偃鯨鯢息山原靖虎狼萬戶沛甘澍百度頓以張  
橫經課白鹿捐餼新宮墻眷懷帝子閣鳩工啓宿荒  
鰲柱忽然立重駕鼉鼉梁画屏圖翡翠庭棲丹鳳凰  
憑虛如羽化飛鳥同翱翔列岫浮青靄曲几泛天光  
數行彭蠡鴈遠近分低昂極目蒼烟暝帆影渡瀟湘  
鳧汀蘆花側漁歌發清商披襟相示日浩然興未央  
興廢原無定滄溟復成桑山川猶昔比人物追初唐  
開府特右文兢抒錦繡腸五色絢竒彩劍氣爭光铉  
蟲吟向雨階紹續勿成章願言從公遊羽翼不能將  
盛事垂千禩聊云誌不忘

石樓任長慶

淮安太守

高閣臨都會如今乃遺修廢興增慷慨經始遇風流  
夕鳥芝楣借朝雲画棟投柳彫搖檻角月夢到簾鈎  
浩蕩涵群動登臨散遠憂孤蘆千里暮鴻雁一痕秋



疎雨烟情薄滄江氣勢迢楓魂青湛湛荃緒碧悠悠  
不是才人賦難消帝子愁山眉顰影細潭鏡暈花羞  
芳草香絲曳紅蘭珠珮留美人勞結構客子得浮遊  
共道逢裴野齊歡上庠樓舉帆看快櫂掀網會虛舟  
高韵添杯酒天真狎海鷗綺霞飛斷練綿霧發寒漚  
吟咏誰能忍鋒豪只解抽噫氣無蚯蚓逍遙許鸞鳩

路遊

宜興刑部員外郎

豫章分軫宿高閣出層雲帝子千年蹟元臣一柱勳  
成慶術舊址綠字起新文帆影凭欄見漁歌匝地聞  
秋風邀賦客江雨洗兵氛近挹西山爽遙迎北極雲  
何時遊屐過眺覽此中芬



勝五集





